

Amal qilish sohasi

1. Mazkur standart xo‘jalik faoliyatining quyidagi sohalaridan olingan daromadlarni hisobga olishda qo‘llaniladi:

1.1. Tovarlarini realizasiya qilish, ishlarni bajarish va xizmatlar ko‘rsatish;

1.2. Foizlar, royaltlar va boshqa daromadlar olishga imkon beradigan aktivlarni foydalanish uchun boshqa xo‘jalik yurituvchi sub‘yektga berish.

2. Tovarlariga xo‘jalik yurituvchi sub‘yektlar sotish maqsadida ishlab chiqargan va qayta sotish uchun xarid qilingan tovarlar yoki qayta sotish maqsadida saqlanayotgan boshqa aktivlar kiradi.

3. Xizmat ko‘rsatish odatda sub‘yektning shartnomada belgilab qo‘yilgan shartlarni kelishilgan davr davomida bajarishni o‘z ichiga oladi. Xizmatlar bir yoki bir necha davr davomida bajarilishi mumkin. Xizmat ko‘rsatish bo‘yicha ayrim bitimlar pudrat qurilishi bilan bevosita bog‘liq bo‘ladi, masalan, arxitektorlar va loyiha boshqaruvchilari xizmatiga doir bitimlar «Pudrat qurilishi» standarti talablariga muvofiq ko‘rib chiqiladi.

4. Xo‘jalik yurituvchi sub‘yektning aktivlaridan boshqa xo‘jalik yurituvchi sub‘yektlar tomonidan foydalanish quyidagi ko‘rinishdagi daromadlarga olib keladi:

4.1. Pul mablag‘lari yoki pul ekvivalentlari yoxud xo‘jalik yurituvchi sub‘yektga qarashli bo‘lgan summalardan foydalanganlik uchun to‘lanadigan haq sifatida namoyon bo‘ladigan foizlar;

4.2. Xo‘jalik yurituvchi sub‘yektning uzoq muddatli aktivlaridan masalan, patentlar, savdo markalari,

mualliflik huquqlari va kompyuter dasturlaridan foydalanganlik uchun to'lanadigan haq sifatida namoyon bo'ladigan royaltlar;

4.3. Ishtirokchilar (ta'sischilar) o'rtasida ularning xususiy kapitaldagi ulushiga mutanosib ravishda foydani taqsimlashdan boshqa daromadlar.

5. Standart quyidagilar natijasida yuzaga keladigan daromadlarga qo'llanilmaydi:

5.1. Lizing bitimlariga (BHMS «Lizing hisobi»ga qarang);

5.2. Investisiyadan keladigan hisoblangan dividendlar va daromadlarga;

5.3. Sug'urta kompaniyalari bilan sug'urta bitimlariga;

5.4. Moliyaviy aktivlar va moliyaviy majburiyatlar joriy qiymatidagi o'zgarishlar yoki ular sotilgan holatlarga;

5.5. Boshqa aylanma mablag'lar qiymatidagi o'zgarishlarga;

5.6. Qoramollar, qishloq va o'rmon xo'jaligi mahsulotlarining tabiiy o'sishiga;

5.7. Mineral rudalarini qazib olishga.